



Broj: JN06-16-4-6-10/24
Datum: 26.03.2024.godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni list BiH“, broj 39/14 i 59/22) te člana 12. stav (5) i (7), a na Preporuku Komisije za javne nabavke br. JN06-16-4-6-9/24 od 22.03.2024. godine, u postupku nabavke voća i povrća za potrebe Zavoda, upravnik Zavoda za izvršenje krivičnih sankcija BiH d o n o s i:

O D L U K U
O IZBORU NAJPOVOLJNIJEG PONUĐAČA
NABAVKA VOĆA I POVRĆA

Član 1.

Prihvata se Preporuka Komisije za javne nabavke, br. JN06-16-4-6-9/24 od 22.03.2024. godine, te se Ugovor za nabavku voća i povrća se dodjeljuje odabranom ponuđaču **Trgovina i usluge Zelenara, Istočno Sarajevo** za ponuđenu cijenu od 209,980,00 KM bez pdv-a (245.676,60 KM sa PDV-om), kao najbolje ocijenjenom ponuđaču.

Član 2.

Prijedlog Ugovora o nabavci dostavit će se na potpis odabranom ponuđaču po isteku roka od 15 (deset) dana, računajući od dana kada je ponuđač obavješten o izboru najpovoljnije ponude.

Odabrani ponuđač je dužan dostaviti dokaze o kvalificiranosti (u originalu ili ovjerenoj kopiji ne starijoj od 3 (tri) mjeseca od dana dostavljanja ponude), u roku od 7 (sedam) dana, nakon što bude obavješten o rezultatima ovog postupka javne nabavke od strane ugovornog organa.

Član 3.

Za izvršenje ove Odluke zadužuju se i ovlašćuju Služba za opće, pravne i materijalno-finansijske poslove.

Član 4.

Ova Odluka uputiće se ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke br. JN06-16-4-6-2/24 od 15.02.2024. godine.

Javna nabavka je provedena putem Otvorenog postupka.

Procijenjena vrijednost javne nabavke bez PDV-a iznosi 210.000,00 KM.

Tenderska dokumentacija i Obavještenje o nabavci br. 24650-1-1-12-3-59/24 su objavljeni 26.02.2024. godine na Portalu javnih nabavki.

Komisija za javne nabavke imenovana je Odlukom o imenovanju Komisije za javne nabavke br. 06-16-4-216/23 od dana 24.01.2023. godine i Odlukom br. 06-16-4-216-2/23 od dana 15.02.2023. godine, i Odlukom broj : 06-16-4-216-3/23 od 26.10.2023.godine.

Komisija za javne nabavke je dana 22.03.2024. godine, dostavila Zapisnik o pregledu i ocjeni ponuda, br. JN06-16-4-6-8/24 i Preporuku o izboru najpovoljnijeg ponuđača, br. JN06-16-4-6-9/24 u predmetnom postupku.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjele ponude, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da je blagovremeno zaprimljena 2 (dvije) ponude,
- da nije bilo neblagovremeno zaprimljenih ponuda,
- ponude su blagovremeno predali ponuđači „ Lala i Laćo“ doo Bijeljina i Trgovina i usluge „Zelenara“, Istočno Sarajevo,
- da je ponuda ponuđača **Trgovina i usluge „Zelenara“, Istočno Sarajevo**, prihvatljiva i ispunjava sve uslove zadate tenderskom dokumentacijom, i
- da je ponuda ponuđača **Lala i Laćo doo Bijeljina** ocijenjena kao nepravilna iz razloga što ponuđač nije dokazao da posjeduje minimalno jedan uspješno realizovan Ugovor čija je procijenjena vrijednost minimalne vrijednosti kao procijenjena vrijednost predmetne nabavke/postupka, a isto je propisano tačkom 13.3. tenderske dokumentacije. Isti je dostavio spisak sa četiri izvršena Ugovora, a niti jedan od četiri Ugovora nije minimalne vrijednosti kako je to zatraženo tenderskom dokumentacijom. Iz svega naprijed navedenog, Komisija je nakon pregleda ponude, istu odbacila u skladu sa članom 68. stav 4. tačka i) Zakona o javnim nabavkama („Službeni list BiH“ broj 39/14 i 59/22).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

U postupku ocjene provedenog postupka, Upravnik Zavoda za izvršenje krivičnih sankcija, pritvora i drugih mjera BiH, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača, **Trgovina i usluge „Zelenara“, Istočno Sarajevo** izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.


POUKA O PRAVNOM LIJEKU

Na osnovu člana 101. stav (1) tačka d) Zakona o javnim nabavkama („Službeni list BiH“, broj 39/14 i 59/22), protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, lično ili preporučenom poštom.

Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama („Službeni list BiH“, broj 39/14 i 59/22).

UPRAVNIK

Siniša Perkočić



Dostaviti:

1. Komisiji za javne nabavke,
2. Trgovina i usluge Zelenara, Istočno Sarajevo,
3. Lala i Laćo doo Bijeljina, i
4. U spis.

